

知止齋詩集

知止齋詩集卷第九

常熟 翁心存

古今體詩八十二首

起戊子秋學政任滿由廣東還京已丑直上書房居澄懷園

庚寅仍居

直廬作

倚山樓詩爲葉雲谷農部夢龍作

萬古安期宅詩情化白雲樓高塵影隔松老海濤分耆
舊今誰在風流不可聞躊躇思攬筆蠻語學參軍

一勺甘溪水千重越嶠雲我來嗟歲晚此會惜途分布
襪從今始仙蒲白昔聞葉繻豪氣盡莫誤認終軍

雲谷屬題蕉園畫蘭便面

秋叢和露入毫端寫贈幽人結古歡笑煞唐朝房相國
一生惟愛董庭蘭

潘季彤所藏藍田叔畫冊

吾谷霜楓夕照殷詩情恍遇畫圖間何時歸臥東臯下
飽看城西一角山

秣陵秋老莽風塵愁絕天寒日暮身今日江村黃葉下
不應空谷有幽人

題伍春嵐觀察元華聽濤樓圖卷子

根矩舊宅海上洲廿年前憶支筇游蒼髯白甲閱千載
百丈天矯驂潛蚪九龍攫挈挾飛雨天瓢倒瀉翻靈湫

松聲水聲渾不辨但聽驚濤日夜東南流

海州雲臺山有唐時松九

龍澗諸勝余曾游焉

邇來塵跡溷人海北走燕豫南閩甌乘楫徑

度奇甸外靈犀夜燭百怪愁迴帆小艤海珠石不見黛

色參天脩河南鬱鬱議郎宅髣髴瑞雪飛枝頭

嶺南少松惟珠

江南漢楊議郎宅有松且時有飛雪

三年軺傳苦羈紲一昨始得舒吟昨

雲泉新館梅萼燦倚山傑閣松陰稠君家珠樹元龍儔

酌我江上百尺之高樓蒼官夾道儼成列組甲被練森

戈矛隔園已聞浪澎湃入戶尚覺風颼颼遠林作勢響

械械石瀨鳴咽奔湍幽衝颺疾捲動地至銀山十二排

空浮廣陵八月望胥母錢唐萬弩迴陽侯砉然一聲衆

籟寂海天極目雲容收澄懷靜參消息理湛然耳與心
相謀清音乍聆洗箏笛幽夢忽已隨鳬鷗酒酣惜別重
綢繆輕齋初發沙棠舟水松謾謾晚潮上大通煙雨波
悠悠安期浮邱兩契闊泉石舊願何時酬夜來擁被濤
春枕恍聽胡琴石室秋

有以家覃溪先生所摹和靖畫像並秋涼三帖見
示者淒然有感用東坡韻

昨朝客餉逋仙詩

葉雲谷以新刊和靖詩集見貽

字字梅魂吸湖淥今

朝快覩逋仙像姑射神人貌如玉玉潭舊本蘇齋摹兩
帖雙鉤皆絕俗先生化去纔十年蠹帙飄零風轉燭此

圖忽落南海濱如玉有脛珠有足可憐故宅保安街

癸癸癸瘡骨肉

單溪先生後惟存孤孫一人舊宅在京師保安街

我來粵嶠念

芳徽金石遺文補前錄已從仙掌掇苔碑更勒貞珉照

湖曲歸來病鶴轉離襪悔未雲泉覓桃竹

余方患臂痛何當

臘日訪寶雲手撚菖蒲餌甘菊

吳石華學博蘭脩桐花閣填詞圖

春情一縷游絲杪黃纈星星欄畔繞博山沈水裊餘煙
細乳春藏幺鳳小半池吹皺波淪漪簾幙無人率地垂
紅牙按罷閒庭靜正是桐陰月落時美人自合傷遲暮
如此才華天亦妒卽今聽雨到中年苦憶二分風露句

最憶二分風露玉釵頭
寒桐花閣詞中語也廣文官冷菜無鮭蝴蝶一春飛上

階萬里悲笳尋舊夢十年塵影上幽懷白鷗闌入鴛鴦

社亦詞中語一掬青衫淚如瀉嶺南從古少詞人標格如君

真健者滇江渺渺正愁余尺素聊憑六六魚他時唱徧

桐花曲愁煞新城老尚書
阮亭和漱玉詞長安盛稱之號王桐花故戲以相擬

歸舟艤中宿峽偕梁生梅盧生同伯游飛來寺

我從閩越來駱蠻浮查南指黃木灣武溪庾嶺未登陟

恰似飛度含洄關三年輶傳苦羈紲幽夢空繞羅浮山

揚舲四過中宿峽何由兩腳飛屣顏竭來使竣得休暇

宦情已逐閒雲閒歸舸小艤禮古寺招攜二子俱清屣

朝暾初上蘚徑滑金碧晃曜通仙寰紅泉瀉磴響泠泠
翠篴伏溜聲潺潺階前琤琤奏琴筑林外幽咽鳴珮環
解衣坐石萬籟靜惟見窈窕雙煙鬟帝子吹簫嵐靄破
佳人倚竹嘒痕斑山靈笑我想涉幻語鬪險怪應從刪
昔聞詩人吳子野此地追餞東坡還鄙人豈敢企前哲
惜別但餘清淚潸譚瑩黃子高子二生夙有約餞我蒼雪飛
泉間糾纏人事願不遂清福未必非天慳行年尚未滿
四十坐覺雙鬢添霜菅蠻風瘴雨砭骨髓右臂攣縮如
弓彎襍稊病鶴已倦舞珥筆難點蛾眉班會當投劾徑
歸去手撚瑤草蘇疲頽重尋稚川乞大藥福地飛躡詩

膽豚寄聲諸子儻相待鐵橋石柱從躋攀

豫章道中寄呈外舅秋濤先生用東坡將至筠州

韻

西望筠州只百里隔斷盈盈一江水橫江風雪暫停橈
下榻爭延徐孺子東軒長老正高眠一籠牢收盛不起
遙想謝庭詠風絮生女毋須嗟耳耳

時內子詣高安省視

憶昔百

花洲畔住夜半高吟殘雪裏澄觀了了徹中邊世論悠
悠孰憂喜祇今乘傳過南州免俗未能聊復爾七年所
歷竟何得一事無成殊可恥先生道力應更堅談笑神
完中有恃何當蠟屐陪清游同訪真如風物美

符離懷古

誓師再出拯生靈五國城中涕淚零裨將喧爭誰執法
相公鼯睡未曾醒壯懷空想吞河朔定論終難信考亭
十萬雄兵同日潰臨安從此小朝廷

材兼文武古來難况值江山半壁殘可惜褊心排李趙
更無名將繼劉韓三呼雅慕追宗澤再誤何堪殺曲端
投老閩江南畔去燕雲回首路漫漫

滕縣道中

蕨拳欲舒爪菜甲初冒牙隴頭凍麥活嶺畔晴暉斜春
來多雨雪宿潤滋桑麻斗米值二百樂歲景自嘉伊余

度炎嶠三載浮星查歸來七千里悠哉道路賒行行鄒
魯近望望川原遐輕煙含弱柳烝麴搏飛沙憶昔方壯
歲三上計吏車途窮骨愈傲逸氣凌雲霞題詩滿村店
儻可籠碧紗而今勅行役始知生有涯歲月若掣電赴
壑驚脩蛇龍鍾三十九兩鬢添霜華何時歌四牡將母
早還家躬耕杭秫田飽喫苴蓐花

旅舍題壁

途遇戴相國南還而作

蕭蕭白髮返家山終感

君恩特放還一掾孤臣悲絕域可能生入玉門關

舊縣題壁

原隰駢征敢暫停晚風和鐸不堪聽殘杯冷炙憑消受
誰向郵亭問使星
鐘聲休更怨闌黎浪說紗籠有舊題今日依然塵撲面
并無冷粥與冰齏

荏苒平壁間有題詞意緒清婉意是去秋下第者也
爲賦二絕

粉壁誰題幼婦詞綺懷離緒亂于絲春明一夢痕如洗
愁絕清狂杜牧之
側豔西崑體自工枉將心事訴秋風可憐燭施香銷後
猶有癡情賦惱公

腰站題壁

東風日暮駐征輪
出岫閒雲自在身
十二年前三過客
七千里外一歸人
霜侵華鬢痕逾重
春入垂楊色未勻
莫更買絲繡公子
年來相士徧風塵

富莊驛悼陳辛伯編修

畿南驛堠又重經
憶與元龍簞節停
聯袂仙舟心共白
論文鏤院眼同青
棲遲我愧留炎嶠
幻化君應託尾星
今夜孤鐙倍惆悵
淒涼風笛不堪聽

楊生懋建春燈問字圖

梅花如雪月如弓
寂靜蘭房燭影紅
想見重闌起居罷

謝庭詩思在春風

鬱律蛟蛇易闕訛問君何用苦吟哦冬烘頭腦膏騰甚
未抵深閨識字多

果然風簾卷秋雲好古空勞瘁掌勤悔不轉從糴閣問
伏生字學本今文

誰懷鉛槧學顰牙寂寞春深揚子家喜與紅蘭高閣近
好將雙玉勒茗華

雙江引

并序

己丑

余在嶺南溯新興江士民籍籍稱謝令崇俊之賢及
來謁見其惻惻無華於閭閻利病勤勤懇懇視若家

事異乎俗吏之爲者比余還 朝謝君亦奉檄入都
出其母文太孺人行略見示賢哉是母幸哉有子嗚
呼可以風矣湘桂二江同出桂林之海陽山湘江北
流入楚道全州境君之里也桂江西南流合鬱水東
入粵東界爲西江君所治也爰譜雙江引以遺之俾
兩粵之人風焉

桂林之山奇秀插天靈源濬發雙江出焉湘江之漸漸
兮北經珠玉之巖兮桂江之瀾瀾兮東注牂牁之尾兮
一解珠玉之澄泓匯洞庭兮瀏其清兮屹高臺之崢嶸兮
二解維母之貞兮牂牁之繚繞越海嶠兮順以導兮環花

封之隈隩兮維子之孝兮

三解

其孝維何慈訓克遵處脂

不潤在富能貧以養以教惠此兆人銅鼓迓神蘆管歛

幽頌我侯孔仁頌匪於其身迺於其親

四解

其貞維何嚙

冰嚙雪雪厓之筠兮不可折冰蠶之絲兮不可絕忍死

撫孤忍死永訣兒讀十年書母淚一斗血

五解

珠玉之穹

窿兮馬鬣封兮悲回風兮牂牁之旁羊兮鳧舄翔兮愴

秋霜兮丹者荔赤者鯉欲往遺之母不俟所不貽母令

名者有如雙江之水

六解

我行端州我乘輕輜采輿人謳

欲知茂宰之猷汪汪萬頃視桂江之流

七解

我思桂林我

譜瑤琴誦女史箴欲知賢母之心湛湛百尺視湘江之

深

解八

空山古寺圖和朱文正公元韻三首

蘇嶺在浙江江山縣南爲入閩要道大興朱文正公
六度茲嶺三題詩于寺壁歲久剝泐其門下士王南
陔中丞紹蘭裝潢成卷俾寺僧藏之復繪此圖錄公
原詩徵海內人士和之期滿千首余未識中丞而於
公爲門下後進承敦甫師之命不揣舛陋斐然有作
以寄景仰之懷云爾

墨寶山門鎮摩空萬仞青大名齊軾轍

公與弇河先生
先後視學閩中

不愧二窮社陋盆瓴寵壁逾三紀聯珠識二星驚蛇休

蘇之目

化去

用東坡天竺寺詩語

長護梵王經

鳥道霞標赤龍津
劍氣青祥金捐躍
治均土藉陶饒韓

雅堂聽雨

福州使院堂名韓雅寄河先生所題

盤陀石聚星

公自謂前身爲文昌宮中

盤陀石故晚號盤陀老人又在閩時命門下士人致他一石各鑑其名建三百三十有三士亭于福州使院他

年徵逸事好爲補圖經

駢征曾小駐閩越眼中青
擁絮雲封磴衝牽溜瀉
飢簡

書程日月候吏測風星
悔未瞻遺墨怱怱一度經

道光乙酉

余典試閩中過蘇嶺未及入寺撒棘後遂視學粵東無繇重過寺下矣

附錄原詩

乾隆己亥典試過蘇嶺寺

江郎一面赭蘇嶺萬竿青雲路初緣磴淙聲已建瓴

山僧諳舊雨使者閱流星壁上吹壘句登臨記此經

壁有竹君家兄庚寅奉使過此一聯

庚子視學經過壘前韻

螺髻裊煙黑松釵插嶂青石濡防滑砌珠細未穿瓴

舊約懷聽雨新恩暫聚星重來試嶺路桑下早三經

將與家兄交代余庚辰甲申已亥庚子往來五經此矣

癸卯使旋三壘前韻

雪積千岡玉煙開一抹青小坡名坵嶺新硯溜穿瓴

字蹟驚分雁參辰竟隔星

先兄竹君庚子冬留聯真蹟也見之黯然無生

誰解結三復首楞經

和黃心齋同年宅中留別原韻

閩南小聚記前年，鏤院秋深放榜天。九月登高催客別，

三山舊夢證塵緣。池心劍氣雙龍躍，

歐冶鑄劍池在福州城內湖上

珠光五曜聯。

乙酉秋余典試閩南同年陳蘭垞滕縣村

撤棘後脩同年會於小西湖

慚愧衝泥追餞遠，連宵語雨海雲邊。

閩入粵道出泉州君從安溪來送

重踏春明興轉豪，鬚鬚玉立曳青袍。圖中彭澤新栽柳，

袖裏綬山舊種桃。銀筆輝煌書上考，金臺獻詠在吾曹。

相逢排日須酣飲，莫問長安酒價高。

馳驅那乞自由身無計攀留刈錯薪欲視蘭陔晨夕膳

暫辭花縣簿書塵

君將歸山右省親

兒童待補棠陰久

君前攝侯官令

德澤在人今奏補是缺

閭里爭看綵服新若到南中逢橘柚郵封

應慰白頭人

洞天深處紫宮環瀑直新從嶺外還弱植自憐同日及

濃恩特許綴星班身霑

禁藥三霄露夢斷湖堧一朵山爲問土龍無恙在莼鱸

可否憶雲間

謂萊臧司馬

舊衙門雨中從獵

庚寅

碧縷如煙柳欲稀春雲遙覆苑牆西飛花和雨侵狸製

輭草無塵襯馬蹏海戶自牽蘿補屋騎郎休惜錦障泥
蒼壇齋邀承

豐澤覬土先欣透一犁

郊外遇雨

曉霧溟濛鬱不開果然亭午起晴雷蝦蟇吸水推雲立

蜥蜴擎空吐雹來

雨中細雹如菽

君子獨行濡有愠

聖人在上不爲災須臾林外天紳挂微見蒼煙破綠苔
敦甫師以省墓詩見示和原韻奉呈

迴車叱馭感勞人誰得酬恩更報親天上星辰仙使節
眼前霜露故園春庚郵

詔許紆驂首

獄閩中五日回籍省墓

賞假

丙舍堂開俯澗脣當代

歐陽人望重豐碑一片石嶙峋

振策仙霞萬仞關揚舲東下近家山五年松嶠傷心別

三丈楊枝屑涕攀洛水賦詩寒食節潁川上豕簡書間

靈衣日暮飄飄舉忍憶當年畫錦還

道光辛巳典試江南乞假省親

鬱鬱佳城葛嶺前巖巖華表樹牛眠湖山生死高賢宅

堂構嵒嶭世澤延

鳳綵十行輝

寶翰龍圖八餅酌廉泉歸舟宵夢汎瀾起猶似依依杖

屨邊

玉昆華髮共論心手種脩篁已十尋五日喜陪元慶飯
一樽聊對阿戎斟門前桐樹清如許堂畔荆花冷不禁
莫向鵲原嗟逝水斜川家學術從今

憶昔乘輶嶺外行白雲迴首不勝情一江秋水蒲帆隔
廿載春風葛藟生寥落枯魚銜索感淒涼石室讀書聲
年年望斷虞山路何日陳情慰九京

乙酉秋余過吳門
距家纔九十里而

無由一申
展墓之懷

四月五日壬午諸同年陪敦甫師讌集花之寺顧

杏樓水部卽席成詩用東坡陪歐陽公燕西湖韻

師次韻答之錄以見示謹疊和二首奉呈

右安門
外三官

廟曾賓谷先生

題曰花之寺

西勾橋下花如雪日日看山笏挂頰城南未許陪清游
有似稽康羨王烈先生皎如暑月霜列宿翕集交輝煌
在坐者二十八人詩才已讓愷之絕異撰應思點也狂金瀾之

酒亦不惡况有流鶯囀九藥春風吹徧坐中人差勝買

園名獨樂樂泉新甃春水生

直廬東偏樂泉一泓張文恪公所闢也余新加疏浚

殿春婪尾花光明公來濟詩更煮茗聽取玉峽彈銀箏

十年久立程門雪論說多慚樹牙頰自從宵雅肄鹿鳴

忽若風簫契鴻烈朝端望重范履霜使星南戒明煌煌

行過蘇嶺誦遺墨應念斐然小子狂

去年冬師以朱文正蘇嶺詩冊屬題

未市月而輜車入閩適經其地淵騫在寢澹臺惡盡作先生籠中藥盍簪假日奉清輝一笑知緣天下樂公詩盎盎春氣生條魚出水春波明會當載酒重問字鼓吹五典調琴箏

敦甫師原作

五臟塵枯合澡雪但見流水笑開頰况復紫錦花爛漫又傾醲醑筵芳烈瀛洲風月鳥臺霜錦帳銅符爭

煒煌

時在坐者翰林侍御部曹郡守凡二十八人

二十八宿羅四座談笑

各各攄清狂頻年遠別情懷惡怕說將離贈芍藥朅來聚首游招提樽俎論文洵可樂酡顏拍手謝諸生西山夕照花間明灑然歸去發清詠一洗耳障珥與

箏

立夏前三日丙子諸同年復陪敦甫師集龍樹寺

余亦未能從也再疊前韻奉呈

晴日樓頭看蘆雪

寺對陶然亭秋時蘆花滿目

涼風吹徧東南頗登

高望遠易悲秋何似皋蘭播馨烈江南一別十五霜夜
堂記聚明星煌絕塵共步天衢軌不學微之爛漫狂五
更妬花風雨惡錦幕重重護紅藥好趁餘春尚未歸清
尊且爲時平樂何湯舊是老門生孤負花開兩度明號
鐘彈徹鍾期聽猶自嘈嘈奏介箏

敦甫師見和龍樹寺詩四疊前韻奉荅並簡諸同

年

忘機擬學溫伯雪隱几無言但支頰豈期玉琯吹春溫
坐令陰厓轉烜烈九鐘夜吼豐山霜枕枕離離音孔煌
快哉未陪醉翁醉率爾似恕狂生狂四十之年已衰惡
性靈疏淪無囊藥敢羨山公屐出遊思從茂叔尋真樂
何須小飲避門生清濁滄浪聽倍明繁聲儻怪顏回瑟
擊節應多鍾子筇

敦甫師原作

文字之交淡如雪土甘於肉涎流頰精藍地僻足移
情匪乞楊枝灑火烈凌虛閣下蒹葭霜新詩畫卷流

輝煌鮑叔一去不可作遠公儒雅非癡狂

鮑覺生同年與月亭

上人友善捐貲建閣顏以蒹葭繪圖題詩覺生卽世月亭新構蒹葭移於南而刻鮑詩其壁復於西偏築看山樓月亭能詩善書主人旣賢客不惡了無俗氣需醫藥同

上高樓看遠山不思亭子陶然樂

陶然亭在寺東南

大江南

北高才生登

朝同佐時休明起予一卷瓊瑤什雍

容墳典鰭琴箏

五疊前韻呈敦甫師

鋒車喜遇閩中雪細點龍團烹馬頰黃甘撲鼻發清芬

紅酒沾脣含郁烈

紅酒閩酒也

袖中白簡飛秋霜歐冶池邊

氣煒煌要培勁竹干霄節肯放饑鯨跋浪狂建溪聽徧

灘聲惡不向武夷采芝藥驛路傳鈔上豕詩錦衣爭羨
還家樂焦山夜游春浪生江月一片涵空明吾師使閩還阻風京
口借鍾仲山侍郎月只應彌勒同龕住厭聽揚州魔女
夜遊焦山有詩紀事

箏

龍樹寺中兼葭閣鮑覺生先生募貲構造者也敦
甫師詩中及之淒然有黃壚之感余從先生於芸
館受益良多觸事興懷六疊前韻

高情記誦梁園雪

曩在庶常館先生命擬惠連雪賦

咳唾風雲生舌頰

近時賦格最精嚴老去雄談猶激烈磊落欽崎兩鬢霜
擬金戛玉才章煌三年未盡秦青技四海爭傳李白狂

握別潛然離緒惡乙酉夏余典試閩中詣先生話別先生以壽藤齋詩贈余從此遂成永訣
矣駐顏難覓延年藥騎鯉真爲海上游奔駒不信人間
樂社酒澆殘葭莢生遠公可尚憶泉明城南便是西州
路愁絕春洲月夜箏

過祁春浦前輩食筍齋夜話承示和敦甫師韻詩

七疊前韻奉贈

新詩字字凝冰雪讀罷餘芬猶滿頰池頭魚躍動蕤賓
一片宮商感精烈直廬幽邃清含霜卷簾銀燭光熒煌
柳綿鋪砌紅雨溼門外春風折竹狂夢痕怕說風波惡
養堂且種長生藥追述先德並太夫人教養之勤令人感惻愛日惟懷報

國心退朝更遂天倫繼不獨我蹉跎已半生寒機熨荻記
宵明階前亦有忘憂草愧乏鴻才賦鼓箏

春浦前輩和韻見贈八疊前韻奉酬

三年嶺表不知雪日嚼檳榔紅上頰乘查五度過羅浮

只有詩魂夢芬烈

余五過羅浮山下未獲一登

海幢寺裏訪石霜琳

宮瓊札爭巍煌

壬午先生典試粵東獨游海幢寺遠客初嘗香積

廚

貫休羅漢端石塔山門同鎮蛟龍狂

寺有貫休羅漢又有端石塔高

三丈白鶴潭前颺風惡嬾向甘溪尋大藥珊瑚已作網中

珍蘂菊閒參塵外樂粵人今尚思先生旌節會傍南離

明黃灣重扣兩銅鼓

南海神廟中有大小二銅鼓

壓倒琴筑琵琶箏

春浦前輩原作

海幢寺裏譚粵雪妙語真能解頤頰

曩余典試粵東阻風海幢寺與

僧談南中氣候僧云自漢朝雪後直到如今余歎其語妙

別來滾滾馬頭塵翠羽

梅花夢香烈君昔校士懷冰霜海邦衿佩容輝煌傳

經爭受文翁業拜石還追米老狂

君於粵東試院榕根下得米元章詩

石乃蘇齋求而未獲者也繪藥洲訪石圖

吟詩作畫殊不惡籠取藥洲洲

上藥歸來講席直

三天更有名泉供宴樂

君直廬東有樂

泉頃疏濬之將以淪茗

蟹眼已過魚眼生茶煙一縷射窗明我

今廢學寒竿澀願就君家聽玉箏

春浦前輩詩中述海幢寺僧譚粵雪事因爲徵事

以實之并略及南中風物九疊前韻

山僧能說漢時雪布穀瀾翻弄脣頰君看寺畔議郎家

謾謾松風猶爽烈

羊城無雪亦無松漢議郎楊孚自洛陽歸植松宅畔飛雪滿樹議郎宅在

珠江南度其池距寺亦不遠

南中無雪但有霜瓦溝飄瞥珠熒煌南

人見霜呼作雪那怪犬吠蒼黃狂蠻煙蜚雨谿山惡右

肱三折疇能藥

余在粵三年觸冒瘴霧歸舟忽感末疾右臂幾折

鐵樹開花亦

有時

鐵樹遇丁年則開花不必丁卯也余曾見其花娟潔可愛木綿飛絮差堪樂

江上彌望皆木綿閒傾椰酒

見蘇詩今嶺南市中多有之

進魚生

人

喜食生魚以菊英和之

鳳羽虬珠相映明每思朔雪添惆悵怕聽

珠孃摩寶箏

旬日之間顧杏樓同年疊前韻至二十八首錄以

相示讀之驚歎十疊前韻酬之

滇南妙舞迴風雪

唐南詔進奉聖樂序曲二十八疊

阿堵傳神豪在頰

六花演陣開陰陽萬騎浮江飛撇烈霓裳秋月陽關霜
胷羅列宿何焜煌若教手寫雲臺蹟馬援低頭不敢狂
縱橫那復愁韻惡肘後金壺有神藥苦吟自和于焉于
投筆應歌樂莫樂無窮妙義如環生交花不斷聯珠明
曲終判裂李升笛口喫休笑丁稜筭

顧俠君先生小秀埜圖

禹之鼎寫

百卅年來蹟已沈玉河流水到如今長安名士多于鱗

誰識先生大隱心

綠天涼露冷如冰
菱角丫童勝橘藤
閒弄一雙紅蝙蝠
到門熱客不曾膺

芒鞋三度踏京華
雲閣紬書蔡少霞
畢竟不如歸去好
迴廊開徧佛桑花

玉山佳處結茅庵
金粟前身妙諦參
三百詩魂齊下拜
夢中攜手過江南

漁洋詩以顧仲瑛相擬最精切起二語卽用其意

暖翠浮嵐王給事
斷紈零素禹鴻臚
一從妙畫通靈後

神物能令會合無

秀塾草堂圖王麓臺作見曝書亭集注

壓卷漁洋調最工
高吟一十九人中
安安腕有羲之鬼

後勁端應屬此翁

同時諸公自漁洋而下題者十九人卷尾有安安老人跋安安金定濤先

生別號也

小長蘆容數招攜采罷香蕤聽竹雞怕向春明談舊夢

卷中好句未留題

竹垞晚年與先生爲忘年交卷中無詩惟卷首隸書小秀點三大字耳

寒泉配食水仙王吏部文章共一堂他日燕臺添韻事

斜街更築小滄浪

陶雲汀中丞梁蘆林方伯重葺滄浪亭復於西偏建名賢祠以顧君湘舟

所繪名賢像勒諸石先生與其尊人吏部公皆與焉

黃石橋邊弔酒星琴高乘鯉去冥冥詩門春草年年碧

可似西山一角青

先生宅在乘鯉坊墓在詩門外黃石橋

招隱江東宋荔裳少陵詩思感微茫蕭生廿幅歸何處

愁絕乾坤一草堂

先大參公與吏部公同舉順治丁亥進士大參公嗜杜詩屬蕭尺木作圖

凡三十幅宋荔裳詩所謂罷榷歸來無長物獨攜此冊還京師者也

顧杏樓水部小小秀野圖

三雅堂中高士宅醉裏狂歌拓金戟茂陵遺蹟歎飄零
賸有奇礪數峰石三忠祠畔幽人居肆頭游戲壺公壺
九華電轉落誰手恰曾摹取真形圖丹青已失園林在
圖畫雖存池館改江南薊北兩浮雲留得高名滿人海
百年今見作詩孫捧研長懷手澤存宦蹟真同依樣畫
君以庶常改官與俠君先生同浮家還戀舊巢痕水曹只合親杯斝籍
甚才華掩羣雅怡園權割屋三間覆簣依然開秀野花

前酌我金叵羅興酣手拍銅斗歌綠天露洗愁心淨紅

葉秋隨客夢多白雲迴首紆南望

君有南望白雲圖

莪葵巢石

都無恙江左家風世德傳蘭成何事添惆悵君不見西

鹿城頭載酒游一時耆宿盡名流圓沙禊敘無人記寂

寞當年傳是樓

遂園脩禊圖禹鴻臚爲健菴先生寫錢圓沙作記今尚藏徐廉峰前輩家

又

不見李廣橋邊樹陰翳路人遙指南沙第繞屋清溪蒲

稗荒鳬翁浴水門長閉空中彈指成樓臺流光轉眼飛

劫灰琴尊歌舞安在哉文章富貴皆塵埃君今且賃梁

鴻廡何時歸築雲卿圃粉本底須倩人補

卷中尚無圖君語余將求

名手補之努力揚芬足千古

魏笛生師命題錢南園先生澧臨爭坐帖

利鈍能安命

先生詩云時命在利鈍此意久所體精誠自格

天至今公論在當日

主恩全緬想貞元代虛捐魯國賢臨池感身世應爲一

潛然

誰壞朝廷事艱危忍具論握拳透爪勢墜石屈金痕欲
使官常肅因之國體尊怡然聽講者能不愧朝恩

林少穆方伯將之楚北出其尊人暘谷先生飼鶴

圖索題卽以送別

我昔驂羽客閩嶠高翱翔三山莽超忽海氣侵衣涼袖

中浮邱經局促拘圓方忽聆九臯奏逸韻諧清商謂是

仙人驥羅致貢帝鄉

少穆之弟兩人爲余典試所得士

卻訪華陽逸言

登竹林堂仙人不可見竝立空彷徨松濤九月寒竹影

千夫長庭前雙鶴舞皎皎積雪光一游碧落上羽衣輝

廟廊瑤臺盤隼鶚玉樹和鸞皇遂整摩天翻覆蔭吳越

璽啓啓鴻集澤喈喈鴈在桑填河感靈鵲儵然下宣房

銜石功旣就斂翼歸崑陽呼之有難色葭岸秋蒼蒼一

鰓青田側標格何昂藏明心抱清迥奇氣含淑祥小鳴

迭應和

先生著有

潔白聲彌彰顧念馴養恩河海深難

量朝饑吸霞采暮渴餐雲漿下視百鳥飛飲啄何其忙

一朝仙人去散擲瓊糜粳雲中三神君招手來江鄉
嶺尋鳳侶茅山聯雁行迴看丹竈畔躑躅悲寒霜一鶴
守邱樊一鶴翔建章鵠頭度荆鄂鷄首浮蘄黃渚宮舞
蹁躑赤壁簫悠揚高樓切霄漢飛鳥上武昌渺然真靈
降彷彿拈虹裳撫琴江水咽警露心難忘

龔季思前輩由閣學晉少宗伯詩以奉賀謹次

大阿哥元韻

曉簇仙班侍

九重俄傳

新詔墨猶濃

是日

上御門聽政先生以閣學奏事

商霖羣頌侍郎雨

是日

大學海久推儒者宗他日滋培徧桃李于今人物仰模
鎔龍門地峻清如水絕少親知載酒從

奪席爭誇五十重

三天七載被

恩醲河潼秋色來關右

乙酉典試陝甘

齊魯春雲拱岱宗

丙戌督學

山左鳳閣迴翔雙日直鴻辭淹雅六經鎔趨陪何幸遵儀
矩樗散猶能橐筆從

八月二日蒙

恩充補 日講起居注官

大阿哥賜詩獎勛謹依元韻奉呈

蓬山九載厠詞臣清秩榮叨

寵命新

聖學高深三鑑備

乾文炳煥六經陳幸邀

欽囑趨

丹陛長近

天光侍

紫宸恭儉凜承

申誠切菲材何以答

恩綸

敦甫師用

大阿哥韻見賀謹和奉酬

三天耆德仰台臣
黼黻鴻猷禮樂新
一代醇儒繼湯陸
千秋微義衍平陳
陶鈞庶彙斟

元化密勿嘉謨獻

帝宸中夜整冠頻聽漏

師每遇奏事日前夕宿澄懷園必靜數更籌頻問晷刻

蒼

生拭目仁經綸

寒竿濫點紫薇臣
法曲難追介雅新
瑤笈未能三篋記

珠囊長願六符陳
談經愧我參蘭席
問禮隨公侍

玉宸退直更容陪
杖屨春風一室暖
吹綸

酬許真生前輩仍用前韻

金明視草屬儒臣氣抱中和彩筆新

禁署由來重頗牧家聲况復嫺荀陳星移鄂渚臨丹徼

乙酉典試楚北
遂視學黔中

天近陪都扈

紫宸

上年秋扈
蹕詣盛京

日下早占雲五色

他時

朝野待經綸

惠邸以詩見賀依韻奉酬

日理瑤編誦素臣

邸方治
左氏

學惟稽古義標新鴻辭已洽

三雍對蘭席時勤五善陳福地書聲聞上界仙園花萼
近

中宸虛襟靜契東平樂長奉

恩光被

鳳綸

和季思前輩九日雨中遣悶

衝泥下直掩雙扉蠟屐尋秋與願違白酒誰將桑落餉

黃花更共雁書稀

入秋尚未見菊家鄉消息亦數月不至矣

郎君東閣從長

閉給事西莊久未歸咫尺城南千里隔莫囊虛挂老萊

衣

九月二十四日蒙

恩升授翰林院侍講

大阿哥寵以詩章依韻奉答

丹毫

親御

詔初宣

許列槐廳厠衆仙臣志自期清似水

聖恩長戴大如天書幃地接

金鑾近

講幄班分

玉案前慚愧涓塵無補報敢云三昧得名賢

惠郎用前韻見賀依韻奉酬

鏘然高唱八風宣妙諦真參佛與仙豈有微塵能埒岱
由來慧解本從天論詩理悟無聲外讀易精探未盡前

萬樹春花明似鏡

惠郎賜
居鏡春園

盈疇蘭蕙願親賢

酬敦甫師三疊前韻

絕無絲竹款彭宣頑石都成蛻骨仙任爾百川能學海
依然五曜自經天夢嫺秋駕馳驅外人坐春風几杖前
他日羣倫遍陶冶更看高館築欽賢

季思前輩攝少司空詩以賀之四疊前韻

爽鳩五正紀朱宣兼判新歸紫府仙
戊校籌邊通月竈
亥珠呈瑞過霜天
時西陲用兵籌辦軍裝務正錢流少
府持鞭算冊補周官
借箸前微秩自慚寒徹骨
絲綸同下忝陪賢

酬季思前輩五疊前韻

樂泉分酌似王宣
耆碩同推玉局仙
坐石倒聽楓葉雨
衝泥相訪菊花天

鑾坡退食高春後
龍樹開筵落照前
若仿小滄浪韻事

畫圖不數竹林賢

前年陶雲汀前輩集壬戌同年作小滄浪七友圖近日先生亦集壬戌同

年十人於龍樹寺補圖紀之

述懷六疊前韻

攬鏡頻看髮半宣不求名利不求仙閒庭藝蕙留餘地
淺水垂綸學信天知過每從臨事後多言常恐占人前
平生未識杯中趣清濁誰分聖與賢

敦甫師調任大冢宰謹依

大阿哥原韻奉賀

直清耆宿重容卿位晉三曹

渥澤宏曾判東銓留藻鑑重司南院仰廉平譚宜風月
仙廬靜履近星辰斗曜明會見公忠承

帝眷金甌紗護

御書名

十二月十九日雪後用東坡尖叉韻示兩兒

縞帶銀杯句近纖輪他禁體十分嚴投籤聲澀逢逢鼓
讀曲腔翻昔昔鹽乘興思浮王氏艇尋春時倚謝家檐
黑金價貴無人送石鼎吟成語帶尖

錯認餒拌薦膠

去聲

牙奴星豫結送窮車癡兒縛帚偷樵

帖嬌女裁牋學製花苔砌冷封留待伴瑤臺春近欲移

家

時將移居
梅檀寺右

松醪好供坡仙像一塊青蚨脫畫叉

知止齋詩集卷第十

常熟 翁心存 二銘

古今體詩一百二十八首

起辛卯在直廬其年分校秋闈壬辰典四川鄉試還

京後奉 命督學江西癸巳甲午按試畢受代還京作

王藝齋丈家相觀察南汝述職入都過澄懷園流連信宿臨行出夜燭治書圖索題走筆作歌卽以

送別 辛卯

先生授書坐青氊夜吟刻燭雲母寒閉門霜月滿兩廡
照見苜蓿長闌干先生校書天祿閣爨燭垂簾繙七略
銅龍夜靜漏沈沈時聽宮鴉掣鈴索先生治書冠神羊

黃樞議駁重夕郎青驄籠燭朝天去草罷封章夜未央
竭來整身巡淮蔡清恐人知常斷帶手判爰書愷惻多
心持智燭光芒大直轅郢隘通夷庚宛葉唐鄧連方城
節制遼闊界皖荆山棚趨悍維楚僉販鹽椎剽奔麝麋
紅胡白撞尤猙獍丸探赤白蠃臂撐此曹本是蚩蚩氓
胡視性命鴻毛輕弗教迺競錐刀爭先生字民如父兄
勞燭幽隱求其情力鋤稂莠嘉禾萌兩考已滿治譜成
三攝陳臬刑獄平甘雨滿畝飛祥雲狗生足鼈牛服耕
衡石猶恐不中程秉燭益厲精神清申陽城下春宵明
刺桐花發蟾蜍盈統如衙鼓方三更掾史魚貫花下行

後者抱牘前捧檠洞開聽事當南榮兩行官燭一几橫
執燭旁侍俠老兵燭然公鬚公不驚據案直視兩目瞠
丹筆將下心怵怵飛蛾緣撲脂膏縈去死一綫或可生
鉛水欲隨燭淚傾按圖如聞歎息聲卽今述職乘華轂
連宵就我澄懷宿話到斜街聽雨時十年轉燭光陰速
壬午癸巳間先生寓下斜街時余寓史侍郎邸舍相距
纔百武乙酉春先生觀察南汝兩公子留京邸割宅之
半居余先生寓有聽雨堂挑鐙讀書直廬深觸我高曾架獲心焚香
告夜存遺錄宦蹟如雲不可尋先大參公分守河陝
時有宏農告夜錄花
之寺內花成市折花壽公稱彼兕南風之薰公行矣汝
墳棠茇道若咫玉燭時和佐上理行見

聖書賜褒美旌節重來覲

金祀食報於身於孫子歐陽崇公安足儼郎君文戰秋
風裏燭盡三條劍光紫更看泥金帖送喜

澄懷園直廬去年有燕巢成卽去今年四月忽來
棲止且將雛焉感而有作

落花如雪竹遮門絮語梁間月又昏一別怕迷仙島路
重來還認舊巢痕窺簾牋有琴書在繞樹都無伴侶存
不是枝棲無覓處低徊終戀主人恩

送李東原同年儒郊典試湖北

相門才子播清芬玉尺裁量鄂渚文江漢波瀾同到海

荆襄冠蓋本如雲南溟氣靜台光近

時尊公鹿華節相駐兵瓊海剿撫黎

夷西塞秋高月影分元老朝

天星使出一時人望總輪君

繞城官柳暮煙開鬱鬱都成杞梓材仙筇新班千里曙
甘棠舊蔭十年栽鯉庭曾卻胡威絹龍節還臨宋玉臺
夾道聚觀香案吏隴西公子又重來

好上南樓望庾樓黃州東下卽江州還家恰喜雙旌駐
上壽仍容十日留難得諛華榮八座更看棣萼燦三秋
新昌儻領生徒宴定有佳篇互唱酬

三庚觸熱駕鋒車惜別還來過直廬
菡萏初敷迎客笑

琅玕共識此心虛迂疏我自慚無似岑寂君翻羨不如
若見士元煩問訊可能遙寄武昌魚

指龐星
齋大令

全城圖詩

并序

圖作於康熙甲申六月紀金別駕捍高郵水災績也
別駕不知其名據吳西村世燾敘稱其字爲景翁然
里居出處不可攷矣其敘曰揚州別駕金公鎮郵之
明年歲在丙子自夏徂秋淫雨彌日夜颶風震雷交
作河水暴溢直薄城下西南隅接大湖地勢卑薄岌
岌乎不可終日公捐俸購木選健卒懸重賞率吏民
堅築兩關上下闔閭履行泥淖中凡三晝夜城卒以

全又設厰煮米全活無算然卒以河事見累摧抑頓
挫者數年而不復同時盡瘁協恭者知州事謝公晉
石營備馬君子襄云題者凡十四人其甥李禹脩方
勤吳都吳荆山士玉甫東全謝山祖望晉江陳謙李
萬策湘潭陳慈田樹萱桐城張相國廷玉同江李鐵
眉錯榆山凌新齋以煥汲林阿相國克敦脩江李紫
庭鳳翥海寧陳蓮宇世倌韓近宸光基湘中丁澹筠
一燾自阿相國以下皆乾隆年間追題者也

廷議紛紜未息爭築隄疏濬兩無成文襄徂謝襄勤去
又聽哀鴻亂踣聲

康熙乙丑于襄勤以安徽按察使督
理下河請濬海口故道時漸文襄爲

河督請於下河築堤東水入海又請於高堰築重堤東
淮入清口議不合襄勤旋擢直撫去臺諫交章劾文襄
文襄獲譴罷王中文襄復任未幾卒襄勤代之乙亥以
憂去官此皆丙子以前事也使當時廷臣和衷共濟疏
策兼施則淮揚七州縣之
生靈或可早紓重困歟

村墟卷盡吏民奔河伯西來氣欲吞留得州城如斗大
有人屹立似王尊

宦蹟銷沈百卅年里居名字總茫然他時重訂秦郵志
合酌寒泉配水仙

西華賣卜劇淒涼斷素飄零更可傷廉吏果然爲不得

輸他優孟代登場

卷中李鳳翥詩云年來令子
隱垂簾談天名噪長安市

伊廬山腹石沈舟八寶城頭蜃吐樓我亦傷心似廉范

怕看淮海荻花秋嘉慶丙寅五月開王營減水壩洩黃
北注六塘河隘不能容海州平地水
深數丈先人捧檣渡民高阜乘小艇入大伊山寺觸石
幾碎庚午先人卒余扶匭還鄉舟至寶應運河堤潰全
家性命幾
葬魚腹

分校京兆秋闈用壁間王衷白先生韻呈芝齡師
璇杓光曜夜堂深共仰持衡五度臨履上星辰仍舞綵
手栽杞梓已成林當年奏第雲呈瑞此日司文露是沈
令節更欣

恩命下清純原早契

天心

和張詩舲農部祥河闡中卽事原韻

三天西望接樞廷散直過從挹德馨東閣十年人語雨

己卯庚辰間同客

南閩兩度使占星

乙酉戊子先後

君

大庾相國邸第

陪豹尾吟長白

己丑秋君扈

我到羊城寫汗青今日秋

堂聯席坐

余第六房君第八房坐次最近

霓裳法曲好同聽

九月四日校文已畢和李文園同年棠階韻

鏤闌又到暮秋天攬鏡驚添髮半宣鬱鬱寒灰三篋裏

三場落卷

蕭蕭冷雨十年前已看鳳羽翔千仞恐有驪

珠墜九淵駿骨自來無定價燕昭齊景果誰賢

再疊壁間韻贈況少吳同年澄

寂寂西廳鏤院深編珠恰映斗杓臨

君與文園及余壬午同譜

歲云

秋矣驚蓬鬢我所思今在桂林

君臨桂人

八樹參天雲皎皎

令弟在籍應秋試

一聯夢草夜沈沈吾鄉賢守君家最清白相

期證此心

三疊壁間韻贈文園

十載鷗盟氣誼深輸君萬里快登臨兩川文物花如錦

六詔清才竹是林

乙酉君典試西蜀卽視學滇南

歸日輕齋餘款段中

年道力更深沈蘇門正學今誰紹與子同懷仰止心

除夕前數日恩福堂盆中白菊盛開煦齋師屬姚

伯昂閣學元之繪圖誌勝命同人賦之

玉筍山頭化鶴身無言澹對卷簾人百年幾見三花秀

一笑須酬萬戶春瓊島瑤臺忘色相霜筠雪竹鬪精神
孤芳終荷東皇寵又報靈苗取次新

春風作意護秋香陡覺壺中日月長坐上看花都四照
人間有菊卽重陽崢嶸晚節冰霜氣爛漫新篇鐵石腸
迴向海幢參淨業蘂林應供水仙王

張淵甫同年生洲靜觀齋四圖

壬辰

觸辰弄柔翰功名患不早壯志惜蹉跎忽忽身已老出
門事交游苦被俗子惱衣塵日黥浣研水長枯槁厭聽
車馬喧倍憶園林好不如歸閉關三徑猶可埽坐擁萬
卷書精心縱深討遙情嶺上雲生意窗前草此中有真

樂肯向外人道陋哉陳仲舉鼓吹滿襟抱

卻歸讀書

林薄暖將夕虛筵素琴張所思期不遠聊復彈清商一
彈松風靜再彈竹露涼佳人殊未來蟾輝滿高堂起舞
掩瑤軫巡欄獨彷徨沈沈玉漏斷皎皎銀漢光軒軒檻
外鶴鬱鬱鑪中香尚恨餘音繞姬隅躍橫塘溲倒有至
理搜醅已坐忘願言覲牙曠飛鴻高韻頽

停琴遲友

春風吹平蕪宿雨沐芳甸晴曦彩蔥朧紅杏爛明絢晨
興驅烏犍寢訛適所便坡陀乍升降林垌互隱見黃犢
隨母嬉掉尾似相戀長笛出遠村悠然翫物變笠澤煙
濛濛土膏勝陽羨西疇將舉趾暫息荷鋤倦呼兒理蒲

編身甘叱牛賤勿作甯戚歌勿讀項羽傳

春郊放牧

結廬倚穹谷甯曠無四鄰形骸泉石散氣味草木親不
種桃與李不種荆與榛桃李易飄零荆榛刺著人青松
三萬栽戢戢帶露新會看十年後皆作虬龍鱗既供丁
推稅亦救子孫貧我辭家山久豈免猿鶴瞋何當從子
去並宅吳江湄宅間植交讓共享無邊春

山居種樹

沈聽篁太史鐫臺花吟卷

聽篁少時隨宦臺陽除夕庭下十三種花同時盛開
十三種者桃梅蘭桂荷菊山茶水仙石榴佛桑茉莉
翦春羅美人蕉也既作長歌復屬江石如介圖之

祝融海外司花命萬花不受花王令一年花盡迎年開
翻訝中原時節正赤嵌城峙東瀛東沐日浴月擗鴻濛
淋漓元氣閤不泄獨於草木收全功聽篴先生今作者
收拾羣芳歸赤雅已將粉本屬江郎更發清吟補幾社
徐孚遠有海外幾社之集飛身鼇背過鯤身吟花貌出花精神福臺
花木添新詠合讓東陽姓沈人沈斯菴寓居臺陽與諸寓公結社稱福臺新詠
又有花木雜記三山我亦曾游徧東望瀛娑洋似練聞
騎仙蝶上羅浮卻汎星楂到瓊甸木棉十丈珊瑚枝寒
梅六出尤瑰奇蘭名賀正蓮四季男青女節開同時炎
洲花事真無匹苦吟慚乏生花筆輸君舌底妙蓮花標

置臺花稱第一卽今義馭停蓬壺玉堂清暇一事無維
摩丈室天花散笑指訶林對曼殊他年旌節踰蠻嶂衆
香國裏花爲障一朵名花一首詩寫徧稻含草木狀

涉瀘水

沙白晴吹雪瞰紅樹挂鉦山連高是麓水抱左入城淺
渡無須砥平原不可耕東坡遺法在疇爲濟蒼生

趙佗祖墓

含涯羣陘劃然開朝漢千秋尚有臺豈必神威行絕域
端由大度服羣材霸圖已許延三世故國終存土一坏
他日瀟陵原上過斜陽蔓草使人哀

宿壽陽

清濁雙流合，芹泉此濫觴。城高臨馬首，徑曲繞羊腸。古驛仍蟾魄，叢祠問野舫。中宵抱雲臥，塵夢亦清涼。

壽陽懷祁春浦學士

幔徠亭下路，吾欲訪祁嘉。可惜幽居好，斯人不在家。朝
天籠鳳燭，計日汎星查。屈指歸程蚤，還應醉菊花。

壽陽驛作家書題書尾示大兒

恩恩傳語報平安，更說山城六月寒。恰似江南秋雨後，

鞠花時節擘尖團。

諺稱冷
壽陽

榆次道中

飛穀方成蠱黃熊又入門晉廷多少士不及石能言

過平遙

巖邑中都舊晨曦蕩紫氛煙開汾曲樹晴射麓臺雲闌
闔皆祈澤郊原正趣耕我行方憚暑况值旱如焚

韓侯嶺

雲夢成禽後胡爲起殺機嫉心生呂雉得間誤陳豨烹
蒯終何忍安劉計已非大風思猛士隆準亦沾衣

司馬文正故里

中年引退一身輕晚出羣欣致太平老僕自呼君實字
路人都識相公名黨人碑冠朝堂籍獨樂園羅洛社英

天遣老成凋謝蚤終令紹述誤蒼生

過曲沃贈鄭雲壑同年秉恬

六年不見鄭夫子入境欣看德澤新民逸早知爲政靜

地饒難得有官貧祈來時雨蘇枯稼

時久旱得雨

栽徧甘棠

陰暘人

道旁新植榆柳

一笑橫汾清徹底輸君沾溉更無垠

蚤發蒲州

行盡并州到雍州河聲天外向南流夢回太華日初出

襟上中條雲未收白雪成堆鹽澤廢綠陰如幄柿林稠

上公勉爲蒼生駐旌節猶明鸛雀樓

時長公相齡以勘蒲灘案駐此

風陵口渡河和滋園同年韻

清渭東來此合流
巨靈高掌擘深溝
濤奔黃卷包潼水
樹隱青山走虢州
轉漕空懷劉晏績
駢征喜附李膺舟
平生廿度安帆濟
未抵今番快壯游

華陰道中

茫茫清渭繞城隈
極望風煙四面開
華岳高擎秋隼出
秦雲低擁美人來
五千文字留仙術
百二河山感霸才
玉露淒涼金掌折
寒蕪誰問集靈臺

宿興平

隴蜀分途處斜陽
小駐驂浮雲極西
北秋色滿中南
萬井豐碑矗三秦
王氣含廢邱殘壘
在吾欲笑章邯

馬嵬懷古

始平原下暮雲秋
千古傷心土一邱
贏得淒涼南內日
紅桃和淚按梁州

望帝聲聲念故鄉
荒墳誰奠荔支筐
輸他隴口能言鳥
猶向空山問上皇

馬伏波墓

嬰鑠人誰念此翁
功名可惜不能終
巖巖銅柱炎荒外
跼跼飛鳶滌霧中
圖像竟難陪列宿
家山空自憶扶風
南方從古膏脂地
薏苡明珠憾未窮

秦穆公墓

霸業銷沈草色萋幽宮長閤橐泉西坑儒祠已開黃鳥
易代人猶祀碧雞兩世兒孫皇帝貴一篇文字典謨齊
祇今宰木荒涼甚地下應慚百里奚

弄玉吹簫臺

瑤筐偃蹇有娥來鳴鳳千秋尚有臺天上方能求快婿
人間畢竟少仙才簫聲縹緲人何在鸞駕蹢躅事可猜
不見漢家尊五利金枝零落劇堪哀

寶雞道中

吳山望不極汧渭自雙流落日礪溪上秋風隴水頭神
叢鳴彩雉文梓鬬青牛明日褰斜路荒雞鳴未休

雨度大散關

秋雨陳倉道西風大散關
一丸封隴蜀兩戒劃河山大
壑龍蛇伏清時虎豹閒
雷聲聽隱隱知在翠微閒

暮雨抵黃牛堡

漠漠天將暮陰陰雨又來
飛梁穿仄滑沓嶂卷風回冷
結千秋雪濤奔萬壑雷
迤邐信如此陟岵發長懷

鳳縣立秋

多情宋玉不禁秋况復銷魂住
此州萬疊雲山皆北拱
一條江水向西流
藏疆難覓薑芽手
沈盞誰傾竹葉箋
無那金絲數行柳
按煙綰雨伴人愁

紫柏山謁留侯祠

古木空山白晝陰
棧雲如火尚沈沈
商顏綿亙鳥孤逝
滄海歸來龍一吟
借箸偶然成漢業
授書祇有報韓心
先朝伏臘存卷石
誰識君侯用意深

望諸葛忠武侯墓

定軍山下路晴晝
起風雷天漢清
何極炎劉運不回
龍興曾此地魚復
有空臺一臥成
千古長懷管樂才

沔縣蚤發

落月金盆側秋風
玉漏殘曉行清沔
上前路棧雲寒野
市人方夢陰蟲語
漸酸漢南楊柳色
相送淚闌干

大安驛雷雨

潭毒山頭黑蜨橫
龍門山下白雲生
卷來風葉三泉涌
併作天瓢萬斛傾
雌霓連蜺環廢壘
雄雷砰礚鬪空城
驚湍千載長鳴咽
猶寫神弓霹靂聲

百牢關

丹壁千盤峻蒼厓
萬仞磨北來秦地
盡南去蜀山多水
劃東西漢雲連大
小峩嘉陵江咫尺
愁絕聽渝歌

甯羗夜雨

熨道綿綿雨真成
小漏天機雲連樹
動崖溜入江圓電
掣金蛇急山圍白
馬偏明朝泥淖裏
跋馬向西川

廣元道中

嘉陵江上路溟濛變態陰晴不定中連日厭聽氏道雨
新涼初試利州風秋光漸入烏奴澹雲氣時疑赤岸通
九十九峰明滅處孤城一角夕陽紅

皇澤寺則天石像同滋園作

金輪感孕此江濱遺像猶將寶篆熏鏡殿一春飄夢雨
錦裙千古化行雲緡成梵夾通三教靜對蓮花豔十分
他日玉環還入道武擔山氣總氤氲

上亭驛懷古

風鈴響雜雨霏微破碎河山淚滿衣聽徹張徽歌一闋

何如汾水雁南飛

登七曲山

連山抱西南十日行不盡既苦陟降艱復被陰雨窘今
朝登七曲詰屈走蛇蚓螺旋徑蜿蜒蟻附石菌蠢隆然
起崇岡突兀起高囷呀然劃深谷窈窕俛虛牝蚪榦蟠
松椿龍鱗錯原畛潼川從西來一髮向南引羣峰如連
牆四面列闌楯陰陽迷向背出沒見秋隼明霞天際橫
五色燦芝菌極望青濛濛雲物正適緊看山我已厭何
苦摧肝腎欲訪石盤陀秋深理回軫

綿州

山郵行盡到綿州不見峇堯帝子樓巴嶺西來如玦斷
涪江東去抱城流錄參廳上丹青黯漁父村邊草樹秋
記取澹煙喬木句涼風吹雨使人愁

綿州道中遇雨

漠漠濃陰布山行路欲迷涼風吹劒外飛雨過巴西野
橘垂梢重香杭壓穗低幽篁青不斷又聽鷓鴣啼

自入褒斜道兼旬驛路過陰晴秋氣換雷雨峽中多微
上征衫黯愁添客鬢僭老親京國夢念我更如何

渡清白江

昔年持使節曾飲石門泉今日清江上重吟諭蜀篇臣

心如此水芳躅企前賢并乏琴兼鶴焚香願告天

闌中贈郭古樵同年彬圖卽用其集中韻

小隊遙分子子旄相逢一笑果吾曹筍班已見三枝秀

君戊子分校所得士今春成進士者三人玉尺欣看兩度操十載京華容我

嬾一時文望讓君高鎖闈更喜添佳話李郭同舟快此

遭君與李滋園皆壬午同年

闌中題畫蘭爲滋園作

筆底生香蘼嫩藍秋深同聽鹿鳴三與君細向江臯擷

莫遣孤芳老劍南

浣花溪畔發幽馨無數秋山擁髻青試吸紅雲開夜宴

錦亭應更勝蘭亭

題畫梅竹爲古樵作

折得春風第一枝，廣平心事有誰知。藐姑冰雪神仙格，

不似孤山野鶴姿。

解首出君房

牽蘿補屋動幽情，翠袖微寒薄暮生。莫更臨風憶空谷，
出山泉比在山清。

綿州遇雨

豆子岡頭瓦鼓秋，陽平關外雨如油。歸程重踏綿州路，
怕聽渝歌惹暮愁。

宿馬道驛

孤館枕烏櫓濤聲聒耳聾亂山圍馬道使節駐牛宮月
黑龍蛇窟風號虎豹叢當年國士去應更歎塗窮

晚渡渭抵寶雞

行盡蠶叢路前旌指鳳翔煙籠秦樹小天接隴雲長清
渭生秋水高原倚夕陽回看益門道薄靄暮蒼蒼

閨重九游鳳翔東湖

千畝湖光映蔚藍忍教劫劫不停驂百年幾見閨重九
一到真如歲滿三便覺禽魚似濠濮好尋杞菊學彭聃
簡書催我紅塵去垂釣何由解佩簪

晨發介休

殘月輝輝欲四更參旗獵獵正西橫
衣黏霜彩濃于染人踏冰花碎有聲
漸覺遠鐘鳴野寺回聽殘柝靜嚴城
綿山此去無多路何日攜鋤託耦耕

出都憩長新店和壁間韻

萬里峩岷路三秋驛騎歸纔看寒月滿
又逐冷雲飛晴嶺雪光壓凍莎春意微
未成將母願回首寸心違

塗次卽事

西南風太急薄暮氣沈冥落日痕逾淡
寒山夢不醒鴉歸城角黑雀啁草根
青乞食者誰子哀聲不可聽

宿良鄉

浩蕩辭京闕今宵第一程
卷簾看皓月孤館枕高城去
國心常戀思親夢不成
羊鐙搖靜影伴爾淚縱橫

十二月望雄縣立春卽事感懷偶成長律

寒律迴雙管陽和徧八圻
一年添閏莢兩度見春暉
殘臘喧村鼓高城颺繡旂
冰輪圓皎潔綵勝翦芳菲
顧我持華節連番出

帝畿撫時欣永日惜別轉長歎憶昨趨

金殿清班近

紫微每逢嘉節至親捧

御書歸退食雖無暇承歡喜不違
飭盤羅陸橘宮錦舞

萊衣荏苒過駒隙倭遲策駟駢岷峩秋歷歷秦鳳柳依
依萬里朝

丹陛

三天侍絳幃豈期周月琯又復拜

恩輝江右揚瀾隔燕南雨雪霏未成去京邑祇是戀庭
闈妙藥從醫乞遐齡向佛祈寸心隨草長極目望雲飛
鯉淀微微泮狐蹤漸漸稀暄妍蘇土脈駘蕩斂風威暖
意枯萸覺含芽宿麥肥背人憎去雁夙駕唱呼豨壯志
銷軒冕浮生困勒轡空懷潘岳賦那免楚人譏笠澤多
魴鯉虞山有蒹葭何當事耕釣養志息塵機

景州道中大風寒甚和石生契蘭韻

不勞從事覓青州且向平原問督郵一酌衝寒湯沃雪
三更投店屋如舟清笳悲壯添離緒臘鼓喧闐起暮愁
明日采風到齊壤更須詛祝聽姑尤

卽事感懷再和前韻

壯游行徧十三州厯厯山郵更水郵歲月侵尋催短鬢
江湖浩蕩有扁舟歌成苞杞彌增戀聽到哀鴻轉益愁
試向東南望星氣天機應已埽蚩尤

劉智廟和壁間韻

征軺歲暮又天涯遙指西江路尚賒去

國有心常戀闕思親無夢不還家鴻泥十載留陳迹桃

李三春待吐花

謂閩粵蜀諸子

愁絕上元燈火夜潯陽江上聽

琵琶

張詩舲觀察以秋闈提調詩見示次韻奉酬

嘉陵江上汎扁舟赫弈輸君擁列騶萬里晴宵同皓月

連年試院過中秋

去年與君同分校

錦囊定有千篇富蠟燭頻

添五夜休

余在蜀撥落卷七千

遙想明湖煙樹好風光應勝沅溪

頭

駢征雨雪自年年每憶前游倍惘然歐冶池邊懷舊雨

蜀王井畔試新泉

四川貢院明蜀王舊宮有蜀王井

雙江此去無多路

五柳高風合昔賢他日歸裝重載石從君更乞九華篇
承以孫雪居
畫石冊見贈

夜渡馬頰河

積雪皚皚朔氣凝葦橋一綫似垂絛風迴馬頰寒生粟
人躡狐蹤夜度冰月黑戍樓聞畫角宵分村店有懸燈
平生絕險多經慣如此奇危得未曾

相士

相士頻爲象罔求又從益部到南州延津劍氣畧間躍
炎海珠光掌上收一鶚已看鷺閩苑謂杜生
文耀羣仙應共
到瀛洲元龍百尺樓中坐合列清班最上頭指陳
生澧

東阿渡汶水

沙岸彎仍齧官橋斷未修行人長北望汶水自西流冰
雪壓春氣津梁生暮愁明珠如可采莫向洛川求

臘月廿三日宿舊縣

爆竹喧雷日又斜亂雲深處駐鋒車人如司命難求醉
客到殘年倍憶家細嚼春飴諳世味靜看明鏡感霜華
魚山梵唱聞中夜愁對孤燈自吐花

卞莊子祠

入海斬長鯨入山縛狂兕庸衆斂衽退壯夫投袂起微
軀詎輕捐激烈良有以從容計成敗志士所深恥桓桓

魯大夫烈烈卞莊子氣足懾萬夫視虎猶羸耳奈何聽
童穉按劒且少俟坐收駑犬功兼獲鵠蚌死此事定有
無此言良可鄙彼哉齊晏嬰二桃殺三士

孔距心故里

伏處衡茅問風期企千載如何登廊廟忽忽壯心改牽
絲一旦膺初試百里宰逝將抒經猷願言效服采矢志
慕循良詎曰敢豫怠凶年仍薦臻蒿目民凍餒豈無太
倉粟請振不及待亦有大府金擅發身薤醢死者長已
矣存者幾人在上書增戶口甘自蹈欺紿中夜矍然興
三喟發深悔胡不拂衣去扁舟渺江海樊籠困鷓鴣棧

豆餌駑駘俯仰觀古今豈獨距心罪

二疏故里

祿厚貴知足位高貴知止投老念子孫斜日不移晷驅
車過東海緬彼二疏子抱經侍虎闕後先相濟美天人
稟異姿受書通大指兩賢相顧謂吾屬可行矣連章乞
骸骨解組拂衣起祖餞上東門觀者傾都市攬裾涕洟
瀾噴噴歎不已圖形播休徽舞筆誌芳軌兩賢去不顧
長揖歸田里欲往尋高蹤蒼葭隔秋水

滕縣道中

層冰白皓皓積雪迷通津東風一夜吹盡作波鄰鄰始

知造化力浩蕩真無垠陰陽本一氣孰與司鴻鈞枯葭
漸萌芽宿麥方懷新春風詎有意物物各自春道旁乞
食子百結衣懸鶉斯人皆有業爾獨爲窮民類同境各
異天地豈不仁安得指泰華化爲倉與囷

宿利國驛

湖波三面繞孤村簌簌墮牆過水痕夜靜時聞新鬼哭
年荒能有幾家存寒風入牖燈無燄溼炭凝煙火不溫
且酌濁醪判一醉更須剪紙與招魂

挑鐙兀坐到宵分孤館淒涼客思紛湖畔老魚吹急浪
山頭頑石切寒雲監門已上流民冊古驛新添瘞旅文

友人之僕病歿
歲暮天涯增百感
蕭蕭白髮那堪耘

桃山驛舍見燕巢感賦

壘就香泥漸漸殘
較他巢幕尚堪安
一年一度恩恩住
只作人間傳舍看

濛濛黃月照空梁
冷眼窺人有底忙
莫笑光陰如逆旅
最無憑準是名場

樂泉西接梓花軒
幾載春風笑語溫
他日重歸天上住
可能還認舊巢痕

銅山道中

蕭條千里積秋霖
詢徧窮黎淚滿襟
芒屨西來雲漠漠

淮渦南望水沈沈
食完糠粃惟存骨
鶻盡妻兒冷到心
我欲排空叫闔闔
哀鴻零亂不成音

村落無人唱董逃
椎埋殘臘氣偏豪
蒼黃劫客宵鳴鏑
赤白探丸晝帶刀
祇廟腥風聞鬼哭
神叢篝火有狐鳴
災荒自古尋常事
三尺應難宥汝曹

除夕過符離

霜華霧淞白漫漫
積潦初收路未乾
澤國魚蝦喧亥市
凶年蔬果減辛盤
雲堆鴉陣投村急
冷逼鶻衣乞食難
學得魏公高臥法
此心何處不能安

除夕駐宿州和謝一菴上舍沂韻

曾踰五嶺過三巴又向符離閱歲華白髮趁人驚赴壑
青山笑我未還家芙蓉才調輸君少葵萑披尋敢自誇
坐對孤鐙已愁絕厭聽鈴鐸語喧譁

宿花莊

癸巳

入春纔兩日投店日初西瓦屋三家少桃符一色齊
牢丸滲綠豆乾肉護紅泥此味君知否冰壺勝冷齋

人日定遠道中

淮淝風勁不知春瑟瑟陂塘漾綠蘋澤國淒涼多雁戶
章江迢遞感波臣空懷閩粵巴賓道愧作東西南北人
最憶

液池新柳色分明字影照粼粼

欲折梅花寄一枝春寒芳訊尚遲遲雲停薊北長回首
人在江南有所思何日歸來滄海畔躬耕重覓草堂貲
銀幡綵勝酬佳節放鵠年年進壽卮

雪霽行合肥道上

連山東南來千里翔白鳳金銀幻宮闕縞紵引賓從羣
仙顧我笑翠羽喚殘夢晨曦騰金鴉側翅復相送出門
望原畛一白合無縫晶熒銀砂飛璀璨玉梅凍須臾土
膏融時作傾跌恐渾如豕涉波何異鷁退宋彳亍俛背
尻局促敢罄控坐愁我僕飢行聽輿人誦去年降淫霖

淮甸積雲封秋禾久無存春蔬猶未種斗粟直千錢十
室已九空君看逃亡屋鬱鬱連雲棟至今撫瘡痍惻惻
有餘恫造物胡不仁五出作戲弄行看麥苗爛更怕冰
漸壅祥靈兆豐年瑞雪古所重不擇地而施優渥亦奚
用似聞三輔旱待澤殷且衆何不汜濩之一俾歌飯糗
庶幾暘雨調寰宇太平共南鴻高翺翔迭蕩天門玃安
得附綠章丹忱爲我貢

渡桃谿

侵晨臨柳岸打槳渡桃溪一夜東風急春帆盡向西晴
沙鸛鵲舞密竹鷗鵲嘯愁絕龍舒道芳泥殢馬蹏

宿梅心驛

咫尺龍眠路輕煙釀暮陰暖風舒柳眼古驛到梅心殘
雪千峰積春泥一尺深關山無限好吾亦倦登臨

白沙嶺懷謝崇之同年

前年此日龍眠下風雨沈沈鬱不開孤館正愁春信斷
挑鐙喜遇故人來重經謝客吟詩處側想梁園製錦才
料得家山思正切何因遠寄一枝梅

擬古

長風起澤國前路何阻脩逝將攬征轡飲馬西江流西
江多靈窟寒潭伏潛虯懷抱徑寸珠照燭百丈湫離婁

失其明象罔不敢求坐令至寶物千載無人收我攜犀
與劔凌波狎陽侯劔以禦魑魅犀以鑒靜幽采珠獻
至尊賤彼琳與璆恐無庚辰力惻然使心憂

吳緒五參軍正緯禪坐圖

江頭把櫓禮能仁彈指樓臺現化身辟得脩羅三種雨
饑蛟潛伏弄龍馴

選佛由來勝選官茫茫宦海路迷漫賓迦攝取牢盛著
不信人天說法難

布毛拈起諦無雙莫向丹霞問老龐拋卻蒲團投卻鉢
管教一口吸西江

我本前生碧玉僧夢中了了見南能曹溪大有因緣在
何日同登最上乘

徐芸門廣文心田歸舟安侍圖

先生壯年登玉堂宮袍歸省含鑪香先生中年宰花縣

日奉潘輿侍蘭膳

辛酉廬常會任安徽南陵令

揭來吏隱潯陽城濂

溪一勺分餘清仙衣化蝶朝翻砌雲母籠燈夜擁檠先

生六十年未老急流何事投簪早示我歸舟養志圖十

年風雨傷懷抱秋月秋風解纜時白頭老母坐吟詩迷

津况味閒鷗覺永日暄妍寸草知夕陽奄忽慈顏改高

樓詠雪聲何在

太夫人有詠雪樓詩集

樓上孤雲一縷飛忍教重

出鋪成海曩時宦游祇爲親親亡聊自全其真君不見
圖中二百言慈訓便是當年誓墓文

萬觀亭大令相賓春暉圖遺冊

花封近接水雲邊飽聽循聲已卅年曾向鶴湖隄畔過

白頭人說萬青天

官浙江嘉善令民間有萬青天之稱

陰雲日暮盪靈旗正直爲神信有之不見豐碑能辟祟

羅池猶頌柳侯祠

嘉善人傳公爲城隍神

石室淒涼教澤存披圖我亦念親恩伊廬十萬窮黎淚

灑徧桃花尚有痕

先大夫在海州課士振災州人請祀名宦祠

新淦舟次

天邊宛宛挂晴虹薄靄山腰一抹籠暑氣漸消新雨後
秋光多在夕陽中雙鷗夢穩三篙水十幅帆分八字風
絕似嘉陵江上路烏奴峰映晚霞紅

惶恐灘

秋山雨過路漫漫又上虔州第一灘祇惜年華如水逝
更無惶恐此心安風來正面收帆易船到橫流轉柁難
記得嶺南回櫂日半江殘雪滿天寒

撫州試畢曾受恬同年興仁以板輿迎養圖索題
時余方迎奉慈親久而未至感賦長篇

朔氣凝瑤湖祥雲集鎖院寒侵使者裘冷逼諸生硯衡

校雖云疲昕夕敢辭倦崢嶸景已迫寂寞歲將晏萋萋
庭中萱肅肅天際雁矯首望白雲迢迢不可見賢侯我
故人示我圖一卷披圖春融融瑞靄豪端現晴郊綵仗
齊官柳鞭絲冑緩轡導安輿婦子從婉孌觀者填闐闐
童叟盡懽抃輿中白髮人喜氣溢顏面想見聽政聲謳
歌滿花縣此福世希有此樂我深羨小人亦有母頻歲
隨羈宦

賜果欣傳柑嘗羹飫珍饗三年舞綵衣萬里馳雲棧還
朝市市月千役又乘傳稍喜西江波就養扁舟便九秋
兒書至上報高堂健下言已買櫂明日發畿甸清漳多

風濤長淮足冰霰冬冬臘鼓催冉冉年華變尺簡斷十
句寸腸回百徧逝將投効去耕釣絜蘭膳顧念奉
簡書暇逸天所譴中夜聞唳鳥空梁感巢燕卷圖再三
喟夢逐春雲轉

開先瀑布步東坡韻

甲午

峩峩太古雪浩浩陰厓風天瓢翻北斗驚起雙飛龍雷
鞭裂山骨雨腳搖晴空餘怒殊未已力鬪盤深硤回騰
忽掣斷銀漢不敢東天孫擲文綃挂在琉璃宮試呼謫
仙人或從長幅公飛躡三石梁俯視青冥中

望鈴山堂

脩篁喬木鎖煙鬟
佛殿荒涼屋數間
記向定興城外過
寒泉一盞醉椒山

炙手威權事竟空
高樓聽雨怨西風
十年燈火鈴山夜
苦恨青詞學未工

讀書臺畔景清幽
下有袁江日夜流
流到蕭灘鳴咽處
有人還說宋齊邱

送桂燕山良開府豫州和周穉圭中丞之琦原韻
星輶記攬錦城秋
飽聽輿歌到蜀郵
薇省久經移穗石
棠陰猶喜徧刀州
竭來南國瞻雙節
又向西江送八騶
文武材兼仍退挹
從容時畫魏公籌

觀竹樓觀察瑞庾嶺探梅圖

我從閩越游炎徼夢魂飛度連谿嶠松風亭下一句留
時有縞衣來索笑我從中宿浮瀟陽瑤簪玉笏參天長
江城五月時聞笛不見寒梅萬樹香君時正領梅花國
護花腕有春風力可惜浮查汗漫游空吟殘雪思顏色
別來嶺月百度圓相逢同汎章江船披圖重話雲泉事
雲泉山館在白雲山下猶記先生過嶺年圖中春色長不改省識
癯仙舊風采聞道當時手種花祇今夾路香成海百花
洲畔霜風高開尊對鞠持雙螯海南嬌雲在何許夢中
翠羽聞啾嘈愧我年年長作客雪泥鴻爪尋無迹一事

誇君差自豪載得梅花還載石

余在粵時作藥洲訪石圖將歸嶺北學侶又作

粵山探梅圖贈行

南浦恩恩手又分燕臺回首悵離羣天邊問

訊南來雁尚有梅花憶使君

竹樓重築煦齋師卜魁城賦見示卽和吾師元韻

奉贈

紙貴甌閩更海珠

孫文靖刻之於福州同年羅蘿村又刻之於廣州

又傳梨棗

到洪都才名羣從荀文若循吏聲華何易于翰墨新緣

輝棣萼文章窮徼闢榛蕪攜歸重侍春風坐雨雪遑辭

賦載塗

張子畏郡守寅味菜根齋圖

十萬窮黎灑淚痕左餐右粥起春溫誰知太守清貧甚

自候風鑪煮菜根

君自九江移守南昌值連歲水災遭棲流所四以拯流民設體仁堂二以

澤枯骨募建義倉貯穀數萬石以備水旱之災

菜把常叨地主分天寒雁影惜離羣燕臺飛雪圍鑪夜
每嚼冰壺便憶君

莼絲香滑蔽拳肥肉食應知此味稀何日抽帆江上去
灌園長息漢陰機

子畏長城立馬圖

我昨入蜀乘輜軒西度雲棧登劒門懸厓飛鞚恣臨眺
嘉陵桔柏奔濤翻竄身恍若在霄漢參旗井鉞手可捫

卻羨君家老博望奉使徑欲窮河源飄然路出飛鳥外
園風縹緲凌昆侖如君壯游亦堪喜匹馬長城萬山裏
馬上高歌蒼翠開城頭樓鶻時驚起是時君方判度支
簡書承

命星輶馳急裝櫺具跨款段從人盡似幽并兒居庸阨
塞山來古壯士當關盛貔虎恆代雄藩控九邊薊遼
王氣尊三輔太行西望高崔嵬蜿蜒東走滄溟開崆峒
山頭返照落嶙嶙塞外秋風來知君此日觀形勢定有
蒼茫懷古意當時舂鍤萬民勞至竟金湯千載利卽今
一麾典大州龍媒氣壓千驊駟散原廬阜足名勝五馬

到處時勾留卻思昔日游蹤壯筆妙經營煩意匠想見
停鞭氣倍豪便教讀畫神猶王愧我虛陪第七車扈從
未到醫巫閭渝關咫尺拱

京國對此不覺心躊躇薊門蒼蒼鎖煙樹他日思君夢
君處明朝襖被發江干策蹇衝寒別君去

驕兒

對案不能食攬衣起盤桓驕兒方五歲勸我強加餐我
聞小兒語涕淚流沈瀾兒前跪致詞阿耶且自寬阿耶
念阿姥每食常三歎兒心竊自計茲事亦何難朝上陳
情表暮挂神武冠扁舟還鄉里上堂問平安孫曾羅膝

前阿姥大喜歡胡爲久不決進退戀一官我聞小兒語
嗚咽心骨酸仰眎中庭月皓魄何圓樂慈烏繞樹飛啞
啞嘯夜寒徘徊還入戶怛焉摧肺肝

出北郭志感示許洵緣表弟

鴻爪曾經歲一周誰知小別竟千秋素帷蕭寺仍飄泊
白髮他鄉尚滯留此日龍沙過北郭傷心馬策慟西州
麥舟慚愧無多潤溫序何時正首邱

渡江卻寄南昌諸同學

中流擊楫去年纔儻改初心誓不回今日依然攜鶴去
前盟猶在任鷗猜縱教木客能相妒終是風神解愛才

爲語南州諸學侶
布帆安穩度江來